

四庫全書

集部

欽定四庫全書

集部

午亭文編卷八

詳校官庶吉士臣汪彥博

助教臣常循覆勘

總校官庶吉士臣倉聖脉

校對官中書臣牛稔文

謄錄監生臣齊兆求

欽定四庫全書

午亭文編卷八

大學士陳廷敬撰

今體詩

草堂

東風窻樹外吟望倚斜陽
萬里驚春色三年卧草堂
蚤花能破藥新柳忽成行
往日青門道紅芳壓驪驪

濂村以濂泉得名

泉在兗境當
午亭之北

舊業東山麓，濂泉在北原。
引渠通野圃，分翠入烟村。
一勺支流水，諸峯耳葉孫。
道州千古意，勝絕敢重論。

月巖亦曰說巖閒居成詠

巖居非石隱，山館有餘清。
輞水漁樵興，斜川故舊情。
宿雲開峭壁，新月上孤城。
遙識青門柳，春風綠處生。

春日松嶺寺

孤峯春院迴，晚景野鐘初。
山勢兼雲動，松陰帶月虛。
禽因僧梵引，泉為圃花疏。
香閣登臨處，閒情世不如。

析城山

河東形勝古王畿
蒲坂南來疊嶂奇
禹貢山川連底柱
唐風宮室盡茅茨
陰埋半嶺雲車過
翠入中峯雨脚移
極目下方千萬壑
樵村歸路客先知

太行四首

天井關門跨碧空
太行開闢想神功
遙連絕塞羊腸盡
下視中原虎踞雄
嵩嶽諸峯元拱北
河源萬里遠隨東
驛樓斜日憑軒意
回首蕭蕭落木風

家山歸處路分明
北上車輪夢裏聲
每憶梁公如蓋語
高歌孟德苦寒行
橫遮四塞如長壑
俯抱三川似列城
午壁亭前方畝地
祇應耕鑿足吾生

比似人間路較強
崔巍歷盡亦康莊
嵇生未解青泥飲
孫綽空登赤石梁
少華西看峯影小
大形東望海雲長
遺民敢笑唐風陋
山水連天接混茫

絕嶂登臨興未孤
白雲迴合盡平蕪
界分韓魏初盟土
表裏山川舊帝都
曾度千峯趨大漠
懶從五嶽問真圖

更看天上黃河水長作巖前雪練鋪

過海會院二首

川長塔迴費躋攀路轉溪雲杳靄間石鏡泉鳴寒夜月
翠屏鳥拂曉春山上方色界諸天靜雙樹香林萬象間
除却山僧與樵叟松門無客不須關

浮圖金碧照山隈略約橫斜隔浦迴鐘動幽林風葉落
鳥銜空翠雨花來引泉不礙孤生竹埽石長防未破苔
曲徑禪房容易好高亭還對野塘開

韓大韓山送柿酒二首

白芡烏菱得比倫
黃柑差擬洞庭春
不辭風味清如水
一片寒光解醉人

旋埽風軒洗破樽
朱顏零落酒人存
瓦盆舊是田家物
柴汝官哥莫漫論

春雪懷李容齋檢討

二月曉花紅霏微
春雪中有香爭入樹
無力怯從風詞
伯今誰敵清樽聊可同
十年梁苑客賦罷各西東

東山上懷古之作

太行南欲盡萬里勢猶雄地迴標河朔川長起岱嵩六
卿空晉土二典自唐風遠遡龍門業誰當繼史公

月巖二首

萬古東巖月柴門獨照時溪花連竹塢林卧觀黃羲
家在山巖中清暉帶林樾門前碧玉流金波漾新月

晏起

日照中林曉夢餘離離花影映窓虛平明心事三春後

一覺閒眠巧破除

樓夜

樓上風簾燭淚深
曉涼庭院似秋陰
夜殘無寐單衾冷
一枕荒雞半世心

登月院山觀普照寺

樹杪水濺濺
羣峯矗碧天
松門留曉月
板屋過流泉
谷口山城遠
窻中鳥道懸
前林少人跡
寒磬下溪烟

珏山

鐵鎖鈎梯細磴分半空時有鳳簫聞雙峯夾送三清月
萬壑全收太岳雲挿漢桂榆垂欲下摩霄龍鶴動成羣
人間何限卑栖意待剪香茅嶺上耘

青蓮寺禪人方丈二首

明月高高在上方禪心不住水流長埽花風定苔依徑
穿樹鐘來葉滿廊白社南朝常侍宅紅樓北寺贊公房
杪櫺別院清涼境惟見威儀古道場

寺名不愧青蓮始信人間別有天花比金輪寒暝月

藕多玉井大如船吟身漸老知詩妄愁鬢新稀識酒權
欲向支公聊問法可憐神駿意翩翩

午亭詩二十首

午園

結廬午壁側著書午園間上有沁水流下有砥柱山

濂泉

泉水清且漣古村濂泉下不見昔時人浩歌寄來者

流花峪

曉風吹殘紅夜雨洗微綠不愁風雨多流花滿溪谷

飛魚閣

有石魚
出山間

石魚出山時山雲宿舊處高閣風雨多魚飛自來去

梯橋

桃花橋上枝殘紅帶茅屋夫君行不歸綠陰桃子熟

浴鶴池

荷花生川池葉小荷未起海鶴欲下時夕陽照春水

梅子岡

遠林聞微香青春入叢薄散步梅子岡幽花自開落

太丘峯

斷雲出橫嶺明月生高峯無人與晨夕時倚巖際松

嶺泉亭

方池鑿山翠石罅清泉滴客心映空寒明月鑒寂歷

雙谿

雙谿來交橫谿源殊難即惟見石上流清泉不改色

老姥掌

夜靜山月高照我山樓上微聞松蘿風遙遞石泉響

詠歸亭

野水流溪遠春泉入檻深殘生不寂寞童冠有知音

七柿灘

秋水落汀渚古木餘磊砢山家黃葉村晚紅拾霜顆

端畦

漠漠谿田水萋萋野墅花何人解來往相識是山家

西田

行逐前溪雲疎雨挂晴螭日斜桑柘陰犂鋤手自弄

兔坑

茲山數峯落一峯出一泉尋泉杖輕策遙見墟中烟

西坨

朝為西坨遊暮為東坨宿谿行人不知野橋夾脩竹

西山院

落日清磬響數峯相對閒復此值秋色坐見烟禽還

小西山院

後山惟白雲幽人對極目前山行雨歸還就山雲宿

樊口

樊山南下處十里到樊口春風夫如何惟見花與柳

沁水道中

谷口千巖合關門驛路分秋風迎馬首晴日亂鷗羣峽
轉黃厓水山開古鎮雲孤城何處是碓杵急斜曛

宿檣山寺天外樓

祇林迴望沁流明數里深山到漸平翠柏不隨雙鬢老

白雲常共一身輕
高峯月上僧初定
亂水風多鳥自驚
新桂舊松青未了
半生難問況三生

南谿遊詩六首

涉溪緣窈窕
不識有山家
忽到松門外
春風埽落花
泉聲來遠山
空林間人語
響多聞不殊
春風復春雨
春陰柔桑枝
映此谿沙綠
烟中聞耒聲
暮就田家宿
十日宿山房
春光變啼鳥
山月上復斜
半簾落花曉
道人行藥時
東垞復西崦
日斜返深林
落葉山扉掩

晚雲寒不飛凍雨宿峯首惟有遠鐘聲相隨出谿口

臺樹二首

去倚臺樹送來倚臺樹迎來時臺樹在去日不同情
臺上古時樹下蔭今城曲秋風樹葉黃春風樹葉綠

碧落寺重遊二首

碧落天邊寺青山有夢尋迷迷初地遠人覺化城深猿
鶴三秋意鐘魚一昔心到來想陳迹黃葉滿前林

十里荒寒路栖栖續舊遊泉鳴松澗冷雲卧石堂秋粉

堞山城古香燈佛火幽
畫龍猶掉尾飛去殿西頭

樊溪二絕句

岡嶺迴遮曲曲村
高齋日日坐黃昏
庭蕪綠徧無人到
惟有花飛時款門

綠深苔巷雨初微
漠漠陰涼布穀飛
但使時清官長好
早驅黃犢暮來歸

古臺曲三首

古臺雲日午溪口水
烟昏恰到茅堂裏
春風自閉門

幽人住何許朝眠紫霞室夢覺聞松風起行理瑤瑟
有客希到門蹋破碧苔色春風瑤草花聞香不曾識

柴扉

柴扉開向曉秋氣覺初涼夜雨侵苔徑西風落草堂村
烟山市蚤社日野農忙獨有幽居者琴書在一牀

倦客

倦客夜無睡秋窻應欲明人行殘月影犬吠隔林聲物
理何多故吾生太有情風軒衾席冷輾轉百憂生

遊可寒山乾明寺

窈窕溪山路孤峯迴自尊秋花隱危石斜日到閒門
鳥影烟中寂泉聲雨後喧法雲堪倚徙不擬向前村

月巖二首

月明南園樹綠陰紛如積溪村人未歸山窻夜蕭瑟
幽人耽林卧軒窻面高樹秋風羅帷開明月照深處

再遊乾明寺二首

峯腰雨歇野雲留晴樹斜陽在上頭野蘚全凝臺殿色

土花半老繚牆秋丹青照夜餘神鬼河漢凌空近斗牛
除却牧闌樵鴟客何人解作看山遊

千峯排浪湧遙空一抹雙林磴道通山暝僧歸紅雨外
樹深鳥度碧烟中澗泉色冷元無暑松閣聲多豈為風
擬學香山老居士往來蹤跡似秋鴻

桂叢草堂書壁

蕭颯天風吹羽翰疏雲涼雨別長安夢回藜閣金鐙暗
路遠蓬山畫漏寒苑裏紫薇霜樹落山中青桂晚花殘

自憐亦似相如渴漢闕秋來賜露盤

曉雪懷富雲麓杜遇徐兩編修

遙夜闌山夢霜風各一天新寒高枕外白雪曉窓前書
卷開宵帙壚熏繞夕烟折梅如可贈鴻雁久淒然

冬曉懷青岳宗玉

北窓上寒日落木正紛紛殘夜礎猶急清晨雁屢聞厨
烟開屋雪樓霽對山雲天氣宜晴曉悠悠念樂羣

臘月十九日立春

朔氣曉沉沉東風變夕陰月臨寒夜早春入舊年深殘
臘晴光轉韶華瑞雪侵忽聞歌管發一半落梅音

宿定興寄盧明府

已下七首追錄
壬寅假歸舊作

迢遞停驂遠

帝京郵亭今宿第三程荆闕紅葉隨征騎易水清流遶
縣城隔院砧聲秋卓午古牆槐影月平明蕭蕭曉發投
何處悵望龍山一日行

夜宿藥城

平沙開小邑數騎宿長亭映月收書帙聽更下枕屏秋
城譙鼓暗古驛壁燈青望遠雲山外西風度井陘

栢鄉道中

楊柳荒亭道勞勞一放歌望山鄉路少歸馬夕陽多郊
樹積黃葉城流橫碧波數聲風笛晚搖落近關河

內丘驛壁見西華王信初御史黃岡王慎菴檢討

唱和詩次韻

十日郵亭過薊丘見君題壁憶同遊客窓前後吟紅葉

驛路迢迢數綠疇
河朔白雲飛漢水
太行明月照南州
各千萬里羈離遠
玉院槐陰感去秋

宋廣平祠次碑陰韻

鳳閣衣冠古廟荒
關山秋晚更斜陽
一時仙李原春色
千古梅花自異香
轉恨君臣空蔓草
獨看隴墓下黃羊

魯公遺蹟裴裒久
新月泠泠映石牀

祠有顏平原書碑

戊戌春同長公兄偕計吏過武安
有王生好俠喜
客置酒旅亭
壬寅長公捐館舍而余西歸再見

王生感舊有作二首

馬跡桃花雙玉鞍
河陽縣裏萬人看
重來寂寂秋風晚
一路荒山雁唳寒

萬壑霜林一鳥鳴
鄉心怯入故山程
更憐野渡尋舟處
依舊斜陽滿縣城

潞州

道路孤征際川原
薄暮時天寒潞子國
日澹衛公祠浩蕩
英風往蒼涼霸業移
地形天下脊王土晉
侯師河朔

臨雄鎮燕雲俯近陞開花留戍壘蔓草失旌麾鄉國繁
心緒征途長鬢絲關山去無極憑弔益淒其

武鄉道中山

天工用拙莽難猜畫手曾經斧劈來莫道荒寒少才思
米家山子有灰堆

盤陀河

盤陀險路每含愁亂石清沙水北流送別天涯知客意
多情隨我到并州

分水嶺南水下循環鋪北水入祁縣界

分水嶺前水兩流南來北往總悠悠南水細微北水大
可憐來往不同愁

智伯祠

洞渦水沒鑿臺悲寒日深山智伯祠千載人思國士感
趙宮烟草亦離離

野史亭

柔翰功名一葉萍也將文字照丹青朱門萬戶淒涼盡

惟有元家野史亭

太原夜夢故園

晉北燕南滯此行
栖栖遙夜故園情
間關千里成歸夢
惜別城頭曉角聲

赤橋

太原縣西南晉水北渠上舊謂豫讓橋也

赤橋北跨晉渠遙自古人稱
豫讓橋流水自應知客恨
故添風雨夜瀟瀟

王生致酒

百壺青鬢醉顏酡
旅病如今一釀多
空對故人桑落酒
真教無奈別離何

并州剪刀

霜淬風搏出冶豪
雪花照地捷吹毛
鄉心如水知難斷
嗟爾并州快剪刀

獲鹿對月

今夜鹿泉月
閨中應再圓
光留長塞外
影斷故山前
香霧含空色
清暉映獨妍
別來小兒女
相憶在天邊

太安驛夜

擊柝夜沉沉空山離思侵馳驅千里道去住往時心杖
策黃塵晚趨庭白髮深草堂先業在何用買山金

真定道中

南北分岐處西來兩度行沙明滹沱水山濶鎮州城地
界雄關盡天臨野塞平古稱燕趙士忼慨一舍情

墨牡丹四首

新綠蛾眉畫未勻瑣窓日影淡如銀玉顏自抱臨妝恨

不比昭陽鏡裏人

玉貌黃金事不同鉛華誰肯借春風
眼前未解真顏色
咄點何須用畫工

舞衣連夜惜殘春只染天香肯染塵
喚醒玉奴慵不起
紫金醖酒未霑脣

烟鎖西陵翠帳塵綺羅香散鄴臺春
風流占斷陳王賦
始信人間有洛神

竹

栽竹蕭蕭色高齋涼暗侵連叢添徑曲空翠入簾深接
葉青絲障低枝碧玉簪翻愁攪清夢時有箴龍吟

睡起詠鸚鵡二首

人世喧啾不要聽任他百舌費丁寧醉鄉已到無人處
又被鸚哥喚得醒

利嘴新紅褪綠衿能言終不離飛禽笑卿所訴真何事
閒煞斜陽半樹陰

書報楊生題後

憐汝相思意題書遠寄將別來皆老大歸去益淒涼秋
病眠山屋春遊罷野航鄉心紛紙尾零亂不成行

記夢

春風南浦柳條閒別久離魂黯自還夢斷桑乾嗚咽水
車輪纔過磨兒山

寄韓少室先生

家在行山第一峯石泉雲裏出疏松黃河渺渺霜風起
收拾漁竿放白龍

病後

得閒除是病病後轉愁生
吠犬欺殘夢荒雞喚早行
月痕移枕近風緒入簾輕
數日衣裳嬾蒼涼盥濯清

雲麓雨中來借琴

牆角荒花寂寂垂閒庭苔徑
子來遲尊前白髮難拋得
匣裏瑤琴可贈誰瑟縮絲桐
還自語蕭條風雨最相思
暝烟簾閣人歸去又是秋
鐙欲上時

龔賢畫四首

湘漢青春外岷峨落照邊江山入圖寫風景一凄然
龔賢畫山水萬里尺寸間此水瞿唐水此山岷嶺山
野曠鋪烟樹沙明立渚禽秋山平遠在夢向玉堂尋
遠峯如欲無颿影何處泊秋山少人行楓葉寒自落

題竇晚畫三首

晚故推官
河內公子

摩詰遺詩畫意閒烟雲粉本有無間風流一變添文采
小李將軍著色山

春蚓秋蛇蠆尾鉤家雞野鷺豈同儔祇應落墨驚紈扇

畫作桓家烏犢牛

與君蓬轉向天涯幾度春時不在家近日寫生知客意
王孫芳草隴頭花

題朱小晉侍御卧牛莊記後二首

水石毫端出開函空翠流東來多紫氣高卧或青牛松
雨生瑤草樵風埽石樓雲山異鄉縣蠟屐可從遊

午橋遺蹟在渺渺憶湖園樹杪山河出霜餘松菊存峯
晴姑射雪花暖卧牛村誰接令公美幽懷與寤言

小雪夜

孟冬風景正淒淒
斷卉飛蓬霜滿畦
短日作寒逢小雪
流年催曉報黃雞
珥貂碧落癡如夢
縱酒清時醉似泥
鐙火客窓過夜半
家山好在月輪西

新年湘北玉階過集

風沙連上日烟景
易黃昏
新初三夜春筵第一樽
催詩燒短燭
留客閉重門
猶是椒盤會
年光與細論

幽人

幽人客京洛不異在山林夜雨長春草東風啼曙禽
輕寒食近花落故園深回首清川曲還憐此日心

楊花

楊花不寂寞衮衮逐芳塵搖落多情客顛狂薄命身
晚風過別樹細雨送殘春幾度河橋外相憐一愴神

燕草

燕草芳菲候關山客望孤長風吹大漠古道入平蕪
野樹殘紅映春沙淨綠鋪連縣向天末客思不能無

荒圃

斜陽荒圃古城西
薺麥霜苗細綠齊
百口淒涼賓客散
何人還解韭萍齏

舊琴感懷

故舊何人唱渭城
瑤琴重整十年情
客窓寂寂歷殘鐙
火獨聽悲風曉角聲

友人見過

鄉山我已訝歸遲
何事逢君問路岐
世態可堪官達日

客懷先喜病輕時重過舊邸吟寒雪試倚西窓聽竹枝
更話故交零落盡香殘鐙冷十年思

鄰園

高臺陂池何莽蒼夾林窈窕通短牆櫻桃風落庭砌赤
棗花日熏簾戶香紫苔生暈蝶作陣白蜜滿脾蜂出房
鄰園如此亦暫樂回首青山心欲狂

宣武門外水亭用壁上王文安公韻

古亭荒木綠陰初壁上飄零數字書萬里五湖悲昔夢

十年三畝問吾廬重來水石情如舊自別園林興不疏
城路草痕歸騎晚月明苔竹夜窓虛

鄰園懷韓山

鄰園亦暫到酒榼自相將檐鳥猜幽處庭蟬快晚涼竹
深陰屢憩果熟落先嘗回首秋雲外山林興頗長

春夜懷素心

旅宿西亭夜不知池草生關河南北雁鐙火短長檠春
老他鄉客花開故國情樊川烟柳道風景近清明

幽事

雙扉長晝閉過客自周遮
揀日移新竹嗔人掃落花
風簾通乳燕雨檻數歸鴉
幽事春來徧今年不憶家

枯樹

城邊枯柳樹隔水映疎帘
獨鶴蕭蕭過昏鴉箇箇添
虛饒風露美尚假雪霜嚴
憔悴東陽客江潭鬱滯淹

秋月

秋月當軒蚤風林破暝昏攪
眠徧近枕留影不闌門桂

闕明新露江潮帶舊痕夢中家萬里休遣照離魂

秋日同容齋郊行有懷同館諸子

為客端居久嚴裝似遠行
譙門開落照畫角咽寒聲
歲月秋山色蹉跎旅鬢情
少年皆老大衣馬不肥輕

秋夜懷馮訥生助教

委巷追遊處寒齋獨宿中
故園當落月鄉思入西風
山雪長鑱白書鐙短檠紅
十年羈旅客心事幾人同

秋日彈琴招楊山人

玉河水落秋雲深，高城晚色空陰陰。
橋邊老樹行屢歎，馬上夕陽時一吟。
出門催貫舍西酒，來坐獨捶牀上琴。
夜永揮杯攻雅操，霜露颯颯霑衣襟。

西譙門外臺上登眺

斜日橫門道，西風客思豪。
古臺臨大漠，秋色滿平臯。
樹點烟村小，雲連粉堞高。
野花迷戍壘，寒水落城壕。
涼冷猶悲角，羈孤且濁醪。
闕樓銜暮景，迴馬興蕭騷。

懷七柿灘

洞陽風落滿林霜
萍蔗甘寒味許長
解道黃柑三百顆
不如紅柿熟千章

孤雁

蘆花寒影夢三更
風雨沙邊夜自驚
惆悵故人消息斷
年年孤雁寄離情

雪中晚歸李段邢三君子至時邢將赴永福令

行遊遵北渚
飛霰灑寒汀
小苑堆銀榭
西山點翠屏
驟逢驅騎返
密作下簾聽
速客三人集
留歡二妙停

段先歸

碧凝扶檻竹紅濕映鐙檣玉笛吹何處霜碁響客亭坐
中風漠漠天外氣冥冥一嶺江門險千巖桂樹青蠻方
花自異天柱雁還經惜別春明外相思倒玉鉶

雪夜懷吳玉隨編修使閩

北風吹歲暮雪景閉門低窓樹夜離立城烏曉嬾啼路
寒歸驛晚江遠泊颿迷無定春來雁音書未可題

曉雪感舊

瑤華遞窓影落葉亦娟娟折竹聞荒徑微鐘記往年酒

消銀燭跋香冷博爐烟悵悵晨雞語寒宵獨不眠

除夜憶樊川寄舍弟四首

小杜香名別樊川莫浪看東風來日下春色到河干藍

尾浮金釭青腰上玉盤如今直北望燕趙是長安

余所居樊

川在樊山之下欲自別於牧之之京兆樊川故往往寓意焉

相思為客後猶似到家初親養甘辭祿

君恩許讀書草堂新日月竹徑舊田廬一作牽裾別天

涯又歲除

依約懷人處樓前石版橋別離傷歲晚消息隔年朝臘
逐桃符換寒隨栢酒銷同心不同賞咫尺暮情遙

嚴裝趨隔日夜半向承明百歲猶今夕殘年有二更衣
香仙仗影珂響玉階聲春殿壚烟外低徊十載情

奉懷工部侍郎楊公于役

孝陵

銀蠶金雁玉衣寒王氣千年此鬱盤舊日鼎湖曾灑泣
同時侍從獨頻看杉松石隧聽蕭瑟風雨穹碑拜奠安

應念

先朝恩遇重
藏來弓劍淚
洑瀾

徐孟樞侍御過集

徐自館職入臺

誰遣臺烏報曉遷
玉堂清冷憶君賢
自憐易過同官日
可惜相逢汎愛前
人散寒廳判獨醉
月明永夜不成眠
繡衣咫尺金門路
封事何時到日邊

春日戲寄韓山

車栖輪卧費淹留
不是閒居是浪遊
過雁星霜驚朔塞

落花風雨夢西樓陽關別恨歌三疊隴阪相思賦四愁
笑煞鴟夷太狡獪春光占斷五湖舟

遊仙

曾似天台見玉真星娥含笑閱流塵神光倚徙三千界
仙却迢遙五百春河漢已非來處路雲霞猶是夢中身
愁翻茅許天官籍誤判劉盧世上姻

睡起偶書二首

睡鄉功並醉鄉齊一枕春寒落月西殘酒未消清夢斷

城烏偏向蚤時啼

翻覆人情笑幾迴
天公寒暖不須猜
宿雲未礙晨光好
殘月依然上冷梅

曉雨懷王十一貽上

細雨入幽夢
醒聞松際殘
開窓歸雁過
拂樹啼鶯闌
雲亂遠峯翠
晴回初夏寒
昨朝王儀部
吟興接餘歡

丁香

插蘆聊擬竹
移杏欲當梅
容易丁香樹
縱橫小院栽
雨

中愁自結月下影還來春色漁陽晚繁英且細開

合歡花二首

子豈無知者枝開斂復斜青瑩空有莢朱草不生花
暈碧籠輕靄裁紅散晚霞合歡名並美相伴在天涯

春芳亦既歇艷質麗天中桃葉_麤嫌俗楊花細讓紅
卷舒應愛日開落最禁風長記嵇生語忘憂並著功

晚春二絕句

已遣清尊換玉貂晚風蓬鬢醉蕭蕭自從舊雨無人過

羸得閒門閉寂寥

風作狂濤一陣寒
春衣添盡怯成單
落花日暮飛何處
不遣殘紅著地看

高陽公林亭宴集五首

東閣從遊日西園
許數過樓臺容地少
雨露近天多樹
帶長楊色池涵太液波
公無輕獨樂萬井接謳歌

雅志在丘壑亭臯鑿翠初
書堂新柳映客徑小松疎
淥水波窓動紅欄架石虛
謝公墩好在正莫憶林廬

歷歷好厓谷悠然在

帝城情忘憐水石境絕想柴荆野雀銜恩重江鷗狎浪
輕滄洲無限興賸欲訴平生

歲閏清和候鶯花夏未遲碧桃天上種紅杏海南枝歸
第銅龍晚開樽玉漏移年年京洛會延賞衆芳時

忝切龍門客追陪鵷鷺行齒隨枚叟後坐近令公傍官
燭春星爛官壺玉露香酒酣紛起舞為壽樂千觴

老樹

老樹空牆裏春來著數花葉蒙垂草暗枝與蔓藤斜濯
露高難下飛雲近自遮婆娑想生意長此送年華

流水

牆下分流水潺湲有濁清柳濃斜照影蟬亂晚涼聲池
沼終然小風波也自輕浮雲碧空盡冉冉共遐征

春日寫懷呈宛平公十四韻

絳帳重來日柴門病起身雲霄立雪夜歲月掃門人弱
冠謬通籍十年甘積薪散才矜匠石小草辱鴻鈞志切

傳經久思惟枋國新公忠參密勿調燮用深純環海烟
烽靜三秋雨露均四門明

舜目率土望

堯仁簪紱登台輔文章致要津青春殊淡蕩黃閣正嶙
峴永叔門生衆虞翻骨相屯穠花愁偃卧今雨對傷神
翹首看勲業無心恥賤貧菰蘆樵侶在情至敢重陳

午亭文編卷八

欽定四庫全書

午亭文編卷九

大學士陳廷敬撰

今體詩

世廟實錄預纂修恭紀二首

天顏如覲祕函新東觀重登載筆頻日厯早垂青史事
編年仍屬舊詞臣

容衣弓劍春前淚王几江山戰後塵手闢太平歸

聖主寢園雲氣繞

楓宸

清霜版屋起炊烟
車馬重城轉寂然
寒夜衣裳眠待漏
蕭辰婦子話歸田
攜家身計兼生計
拜祿餐錢倍俸錢

史職月給
餐錢倍俸

卻念

兩朝虛供奉
秋風霑灑

孝陵編

郊祀朝賀恭紀呈

實錄館諸公

昨夜陽回曉仗過
天門鐘鼓競鳴珂
朝衣舊染礪烟重
宮日新移扇影多
雲物編年書鳳簡
歲華簪筆紀鸞坡
亦知詞賦工無益
若為昇平許載歌

蚤春局中感成

苑樹輕烟已鬱蔥
玉霄散吏閣門東
日疏直草官真曠
月有餐錢索未空
輦路三年春色裏
家山千里夕陽中
承

恩終乏涓埃報老大從教歎轉蓬

題家書後

楊柳紅亭路青青又放春遠遊思弟妹薄祿謝交親客
裏南來雁愁邊北去人梅花窻下月二十五回新

生日次韻熊次侯學士

詞垣風義動簪紳門引詩賢有白申相見官曹貧似病
敢論人物積如薪焚餘蕉史思殘事別後槐廳共幾人

先是同直
明史館

自笑陸生新鬢髮浮沉空歎二毛辰

生日寄張氏妹

年華驚久客宅相足離憂姻婭思前事園林阻一丘到
州無百里歸路卻千愁為報高堂語年來尚黑頭

三月廿八日劉戶部公馭招同汪戶部荅文吳
編修玉隨董御史王虬梁御史曰緝王儀部貽
上李檢討湘北集宣武門東河樓看柳三首

十載來燕市三春上薊樓樹驚為客老人惜送春遊烟
月章臺路風花灞水流纖條兼弱絮管盡古今愁

城下春流憶遠江樓邊柳色坐平窓東風還肯留三日
乘興能來倒玉缸

紅簾亭子枕城河雲氣青青水碧波楊柳千條春不去
一聲吹笛落花多

高陽公為廣文楊廣生索詩

平生托贈興蕭然東閣驚呼賜彩箋君許才名三省重
我慙詩句萬人傳絳紗早設諸公帳醴酒新開相國筵
最羨龍門門下士後堂高會過彭宣

夏夜懷玉谿舊隱寄張顯卿四輔

三伏向盡朱火藏炎蒸未已愁中腸
流螢入簾故宛轉明星照席何低昂
琴書休夏年力異藥餌經時歸興長
焉得清溪千尺水與君濯足臨滄浪

立秋夜懷張賁白吉甫丈

露濕西清螢火流東山花月想同遊
宦情寂寞從人嬾客路悲歌可自由
暮雨幽花閒戍壘驚風吹角動城樓
庭前搖落梧桐影知到鄉園幾葉秋

樓堞

樓堞青霄外黃雲帶古城涼天簷巢動斜日索馳鳴朔
色沉西塞秋光冷北平關山對何極霜露遠含情

舊館

舊館金臺圻秋城粉堞斜涼風吹白草落日澹黃沙交
道存屠狗人情忌畫蛇誰能市駿骨委棄在天涯

雙扉

白版雙扉掩青籬小院幽心情堪舊事肺病及新秋疎

樹墻月墮閒花堦露流誰知清夜景一併入繁憂

心跡

月上還在路雞鳴已出門養親甘仕宦為客別田園白髮無才思青山只夢魂
輭塵沒鞍馬心跡向誰論

郊壇道院

臺下青陰覆院牆槐花落地點微黃風軒便是修心處
歌枕蟬聲送午涼

夜歸

白月清沙照夜深城南歸路漏沉沉笙歌豈是無情物
不染西窓晏坐心

懷青丘舊隱

愁絕懷人夜心飛一葉秋孤征猶北雁別恨自南樓一
夏幸無病三年成薄遊陽坡瓜熟否搖落舊青丘

與比鄰孫侍御懷傅隱君青主

西山出屋角峯色共東家牆上頻過酒籬邊數見花嶺
雲連歲晚鄉樹極天涯汾水相思處殘陽幾度斜

送孔動之赴瀘州

舊知瀘水遠天盡暮雲邊雁過逢江雪蠻歌隔瘴烟到
京逾萬里為郡在明年南顧勞

黃屋還將喻檄傳

秋夜懷吳玉隨玉騮

碧雲似遠水銀浦漾寒流幾度長安月何人江上樓潮
迴揚子渡山擁秣陵秋悵悵西風起蕭蕭落木愁

八月十一夜夢中作

夕夢遊仙散客愁羽衣鐵笛海山秋
笑看秦華如卷石
星宿黃河一線流

城下夜行憶樊溪

秋近高樓玉漏清
金笳吹月送殘更
馬蹄夢續關山路
猶聽泠泠澗水聲

秋日懷崔定齋移家百泉

青門楊柳送君行
露葉風林遠思生
忽見荒寒秋樹色
却憐烟月舊遊情
關河雁後書難寄
風雨鐙前夢未成

聞道移家徧淇水
范陽桑柘接淒清

玉隨使還夜集有作

一行書信附詩筒
兩見燕山木葉紅
嶺外啼猿江路險
閩中秋雁海天空
郵籤夜語船窓月
驛騎朝吟浦岸風
芳草王程歸路遠
今宵清漏禁城東

荅平定齊守

西來山驛停車日
回首并州又兩年
歲暮懷人逢雨雪
天寒行部問耕田
政成神爵元堪下
早後螟蝗劇可憐

尹鐸昔曾勤保障使君今比晉陽賢

十月十五夜月蝕

圓魄初無影浮雲亦暫明衆星翻歷亂寒夜自青瑩
英疑全落姮娥似始生鼓鐘聲不斷暖暖動

皇情

閒情

習習簾風動娟娟窓月明歡娛分夜漏安隱謝時名
賦粗能解山經細欲評較量身外事難得是閒情

花月

對月但覺好看花欲奈何登樓還縱目把酒復高歌不
畏風涼冷能禁病折磨青蘿掩窓坐宴息似山阿

友人送梅

瑤華肯相贈逸興滿春雲屋小稀枝放窓明細蕊分影
憐寒日伴香惜定中聞渾似深山坐朝朝到夕曛

瓶梅

林下沙邊憶舊時野梅今向綺窓移坐看疎影橫斜勢

行索寒香淺澹枝未許風塵妨笑眼肯令冰雪老愁眉
勞生共爾徘徊意釣艇漁磯是後期

上元雪過靈祐道院

六分春色一分知暇日初遊興不遲野館陰晴連時樹
廟門風雪下靈旗鶯花世界空濛裏燎火京城雜沓時
歷遍海山尋兜率雲霞歸路重相思

上元雪過吳玉隨編修次孫惟一侍讀韻贈潘
吳兩生

暮雪寒威獨有權

帝城如海醉誰先
東華歲月新正酒
北斗陰晴萬里天
走馬競尋元夜約
題詩須趁落鐙傳
孫郎帳下才無敵
不少江東子布賢

會稽唐公以寧國郡丞入

覲示詩留別依韻奉酬二首

青門祖道少人知
歸去翻酬別後詞
湖海未消新意氣
東南應起舊瘡痍
督郵束帶心難下
閭左無衣淚欲垂

此日澄清關大吏一官那肯合時宜

誰言司馬江州日却是宣城治郡時
落落公才今並駕悠悠吾道欲何之
昭亭草色繁征騎宛水春流入夢思
別後吳天諸父老閒田爭讓府君慈

蚤春有懷同館諸公

往事淒涼供奉秋明光曉蹋記同遊
衣冠諸子今誰在昏宦三生可自由
遲日燕鶯京陌路東風花柳故園樓
年華幾度垂垂老擘鏡潘生欲白頭

清明日過吳耕方編修

寂寂桐華院萋萋芳草茵禁烟連日雨射柳一年春時
序交游老行藏鬢髮新篋中三賦在遺慟泣

龍鱗

丁酉南北闈覆試
耕方三試皆第一

夜雪

春衾曉寒重高齋殘夢清寔前知夜雪沉沉折竹聲

絕句

花魂柳影遞消磨春日春情一半過不是道人閒不出

前廊後院葛藤多

寒食絕句

參差紅杏柳條斜
冷節關山不見家
一陣晚寒風色惡
絕憐天意為吹花

與楊琴士城南野飲

官菜園西綠漸深
草痕隨路得幽尋
浮雲不定高天色
野水多連古岸陰
忽忽未知生是樂
茫茫須覓醉時心
一壺珍重銷愁物
曲罷還教與細斟

集吳玉隨編修宅同令弟玉駟給事

兄是東坡弟賴濱官曹文采並同倫黃門草奏趨青瑣
紅藥翻書對紫宸蚤夏酒杯三五夜西華朝鼓十年鄰
曉天連步深更語一月相邀定幾巡

春日懷孝章素心六箴與可荀少公幹

簾閣翠微西雲山望欲迷晚風歸雁急細雨落花低文
史何狼籍音書故解携愁心牽短夢春草遠萋萋

午夢

夾巷皆秋色車塵稀到門草花知旦暮
蚱蜢試寒溫午夢離西閣青山入故園
久耽幽僻趣有得是無言

夜讀書情

一事悲歡酒一觴百年回首興蒼茫
孤鐙讀史雄心在明月懷人旅夢長
碧草逢春連大漠紅顏經歲老漁陽
紙錢麥飯西陵路惟有桃花欲斷腸

春曉

宿鳥檐前倦未飛
葱曠意外曉星稀
關心眠食何曾是

過眼榮枯旋覺非
凍樹雨翻花欲綻
雕梁風掃雁初歸
澄懷觀物三春過
且向塵埃自息機

遊慈慧寺

春氣鳥鳴細谿流
花影重雙林在何許
烟際聞微鐘

記夢

夢與故人語
同在南水頭
覺誦故人詩
淚添清波流

天漢

一道白虹秋居然
天漢流荒雞聞午夜
殘角想邊樓
兵

氣關春色花時送客愁西涼今右臂設險貴前謀

雨中懷貽上慈仁寺

城南坊北路遙思積空烟窻急初更雨衣寒四月絲徘徊坐鐙燭繾綣把詩篇欲訪維摩室愁時獨蚤眠

過惟一夜歸口號

醉別清樽綠歸憐蠟炬紅六街星爛漫一水月空濛檐鳥宿已久院花陰漸蒙所居隔深巷清漏此時同

大司馬芝麓龔公招同劉公馥吳玉隨梁曰緝汪

茗文程周量王貽上李湘北陳其年集城南送
董玉虬御史赴隴右分用杜公秦州詩韻得彊

字繁字

南院逢君日秋來十載彊曉風

天語近畫刻奏書長度隴新旌節行邊舊驕驕秦州西
日外極目已蒼蒼

日下秦關險霜前隴樹繁寒花迎驛騎秋色動河源渭
北雲山道江南烟水村行藏倚

聖主莫更憶蓬門

此二詩王虬一日因酒會謂諸公曰一時作者此為第一

雨夜憶故山與翊聖

柳色鶯歌別鳳池
春山寒雨夜相思
如何客舍青燈裏
却憶春山惆悵時

曝書

書帙閒庭曝晚涼
牙籤萬卷爛生光
螢窓蠹壁情何限
送老流年付夕陽

書貽上所藏畫

秋來最有江山興
夜雨寒披積雪圖
水驛無人村徑晚
梅花滿地月明孤

九日大司馬龔公招同諸子集城南登高以東籬
南山為韻四首

令公開宴地秋色翠微中
雁帶邊城雨臺臨古木風
鄉心紛遠近客望各西東
四海孤蹤晚登高幾處同

灞漦登高會龍沙
久客時望鄉秋步健
灑酒壯心衰共訝
狂花早翻疑晚菊
遲暄寒驚節候杏
蕊艷疎籬時春
齊競

開

晚霽開亭帳秋聲萬樹含天清斜月下地僻古城南紅
燭催更拆黃花上盞簪謝公墩似昔長此得停驂
尚書真北斗供奉媿清班密坐分杯數歡游著屐間江
天銷戰伐秋戍靜關山鼓角中宵罷酣歌未擬還

菊遲簡鈍菴

梧桐欲落拒霜催斜日空庭雁影來更有寒花知客意
籬邊秋晚待君開

秋日過惟一

故人憐寂寞相見慰招尋
薄俗心難定浮生病轉侵
花寒秋色晚酒盡客情深
興發忘搖落歸鞍聊一吟

送孫古喤還嘉興

君是承明客江蓴別思牽
才多科第外名起孝廉前
海近聞琴處潮分字鶴田
高堂游子意白髮向秋偏

中秋夜集惟一宅送別二首

百年今夜月終古獨橫秋
蕭颯三時別空明萬象收
闕

河臨客路星漢入歸舟搖落天聲滿清淮木葉流
圓月秋頻見離人酒一卮高城霜下蚤江路雁飛遲
灑臨風淚淒清欲別詩射湖足烟水繫艇一相思

送陳其年歸宜興

白雁過時木葉青霜林秋氣已凋零相思後夜孤帆客
知宿江程第幾亭

送孫惟一還鹽城次李湘北餞別韻三首

秋花落盡雁還來一到離筵尊一開九月淮南芳草在

三年湖上釣船迴，尊鱸已覺新詩好。
鷗鳥何知後命催，風柳青門黃葉路。
交情白首為裴裒。

三年兩度返巖阿，酒癖詩魔是舊疴。
漸老離情今夜重，近來懷抱向君多。
一官同舍歸偏蚤，有客孤蹤滯若何。
明發更堅臨別約，高秋江上慎風波。

寒暄又歷歲時頻，忽漫鐙前百感新。
綾餅夢回春宴地，旗亭詩寫酒闌身。
鶯花過眼同官日，水旱驚心去國人。
此夕重門猶咫尺，銅龍清漏易傷神。

對菊

秋老凋羣卉天寒有菊花
月稀堦影白風定檻枝斜
獨立真憐汝逢開每憶家
故園經別處離外是天涯

秋夜聽楊山人彈琴

古調繁聲外秋林方颯然
松風兼曲度海月映人妍
信指初三疊忘言只一絃
白頭溫室夜供奉說當年

酬王北山給諫題寓亭竹影

如子寒天裏能來夜叩門
高風搖葉竹明月正黃昏
鐙

亂迴看色階移欲別痕何時為貰酒留醉坐霜根

十月晦日書懷

冬日初淒緊年華已暗侵不因身病蚤那覺道緣深筋
力趨朝異才名與世沉晚風黃葉下高鳥急投林

長至日雪中下直

晚風人下校書樓吏散烏啼暝色幽日影已旋天北極
雲陰漸合殿東頭金鋪欲鎖千門靜葭琯初吹六出浮
恰是微陽如綫日九霄清冷不禁愁

送李容齋還合肥

燈火空堂歲載陰
倉皇忍對欲分襟
一官竟有瞻雲恨
舊事誰憐捧檄心
南使闕山音信少
北風雨雪淚痕深
國書未就歸偏蚤
京雒相看去雁沉

廣寧門再送容齋二首

西門一步地送客已他鄉
古廟官橋下離亭大道傍
塞鴻初斷影灞柳不成行
翹首懷人處關河近夕陽
壯遊芳歲晚屢別客愁新
草土霑衣淚烟霄抗手人白

雲虛在目落日對傷神
忍約重來事萋萋苑樹春

歲暮寄午亭友人二首

小驛星軺問路歧
梅花寄與隴頭枝
烟霜闕塞春來蚤
燈火音書夜到遲
為客漸多殘歲事
懷人長別少年時
相思不及東風便
楊柳西園取次吹

歲盡雲山客倦游
每當落日憶吾州
鼓鐘白墮荒城社
風雨黃昏舊寺樓
別久交親多入夢
官貧僮僕亦知愁
殘書濁酒真無那
有底閒時不自由

歲暮二絕句

掾曹京兆亦何求
正使官貧得自由
寂寂年華尊酒在
蒲桃一斗勝涼州

爆火紛紛近歲除
關山迢遞記離居
南溪明月梅花路
香粉飄零十載餘

次韻吳默巖司業戊申除夕韻二首

守歲椒花已頌春
芸香藜火待元辰
一天雨雪東風轉
萬里星河北斗新
玉漏滴殘藍尾酒
金龜解向謫仙人

年華終古蒼茫裏甲子從頭幾戊申

金鑰千門午夜風玉珂聲在夢魂中黃封酒

賜春波綠白獸尊開曉炭紅石鼓文探岐獵後蕉園草
起日華東十年朋舊官曹改潦倒鵷行舞拜同

己酉元日蚤朝疊除夕韻二首

斗轉風迴左掖春頻年簪筆侍元辰看移雉尾疏星落
行近螭頭曉霧新三殿旌旗分閣道九門鐘漏聽雞人
太平朝會垂衣蚤欲採民風取次申

玉律陽回靜朔風鑿坡歲月漏聲中苑墻夕燎霏烟碧
宮閣春雲送曉紅朝甕香濃

天仗外歸鞍日霽掖門東欣逢

主聖時清際禁近何人作頌同

正月七日

憶昔西清侍從辰忽驚

遺詔泣龍鱗乾坤自此新

陵寢歲月依然舊史臣幾度春光如短夢每逢人日易

傷神當時記輓

宮車出慟哭東風賸幾人

蚤春

實錄館呈素存編修

兩朝金鑑在鑾坡春色東來王氣多
苑裏鶯花新歲月眼中
松杏舊山河直廬風雨分藜火散帙
縑緗映玉珂香案前頭
親授簡曲江風度好誰過

新正小集

渭城客路渺關河惆悵何戡別後歌千里鄉園春色遠
一時京雒故人多愁邊燭影看書劍花外杯香憶薜蘿
誰道長楊叨侍從十年心事媿鳴珂

上元夜二首

閒却銅街玉漏聲落梅風起蹋塵行十年走馬歡娛地
卧看蛭蟻獨夜情

玉館金牀坐上貂鈿蟬銀甲闌檀槽健兒正罷征東役
刁斗無聲夜月高

張侍郎送鱖魚

回首清江興渺然，玉鱗網送蚤春前。
秋風漫有鱸魚思，已得槎頭縮項鱖。

曉角

宣武門西聽曙更，東華魚鑰漸平明。
獨聞曉角春城上，立馬風前第一聲。

摩訶菴再遊四首

別久祇林樹，山門繫馬開清明。
三度過花柳，兩迴來園。

亂春畦水僧閒退院苔沙鷗相對立鶯燕莫嫌猜

暮景西村僻精藍此地逢殘花落清楚深竹度烟鐘春
雨紅樓暗香林碧樹濃近來幽意愜巾拂對從容

後園臨野色春日自淒迷暄冷時無定鶯花晚未齊墟
烟松鼠竄山暝木魘啼回首高梁水蒼蒼落照低

登臨小丘上空際碧巉巉澗底長松蔭山又落日銜野
花隨步屨村酒濕春衫大塊韶光晚柴關憶舊巖

酬上官松石廷尉二首

如茵芳草傍春城三月東風聽蚤鶯柳外朝衣霑雨過
花邊官馬隔塵行鴛鴦歲月多新侶水石風流少舊盟
莫問買山歸隱計濟時今望宦先成

春色輕陰暗禁城宮花萬樹宿流鶯斗間自識雙龍氣
門下今容駟馬行法從君當雷雨候冷官吾守歲寒盟
題詩欲盡燈前意漏下虛堂句未成

雨夜雜感

宿火微紅映曙光楮衾猶挹博山香愁心歸燕迷蓬戶

客夢啼鳥過女牆
裘馬故人誰感激
狗屠交道亦淒涼
春來歷亂傷心處
細雨寒生覺夜長

送王北山給事歸荏平二首

惜別梧桐樹西垣一院陰
封章終夜上

御札十行深
饑溺憂民日
艱難去國心
孤山開舊墅
簪紱羨投林

珥筆承明地回

鑾羽獵辰風波萬事濶
聚散十年頻
舊邸歌重聽
離亭

酒一巡時清東海上未許戀垂綸

雨中集田沛蒼學士宅和白東谷先生

琉璃殿西急雨飛驅車到門雨細微綠窓隔席寒淅淅
紅燭卷簾烟霏霏潞州濁酒琥珀色藐姑羣公冰雪肌
夜深露醉此何適得歸射獵開荆扉

送少師衛公還曲沃二首

一卧雲霄殿閣空

主恩容易別鵷鴻

兩朝清論冰心後四海蒼生病疏中絳灌調和惟相國
廟堂鎮靜賴元功玉堂制草西清直幾處孤踪歎轉蓬
黃扉十載握絲綸

勅斷來章請急頻食祿還同三省厚

賜金特為二疏貧舍人圖史歸裝舊驛路雲山入夢新
先帝老臣今澤渥祝公眠食慰斯民

書局即事

柳邊走馬夾城西落盡桃花燕麥萋玉局一春休沐少

金門十載夢魂迷黃封勅使開緗帙白首宮臣識
御題下直却如歸院晚槐陰依舊暮鴉啼

寄楊松谷鄴下

寒雁南飛欲盡時北來鄉信苦參差關河匹馬身何適
風雪綈袍淚暗垂漳水烟波空浪跡銅臺歌舞自深悲
年華冉冉征途裏寂寞黃門數首詩

松谷故給
諫沁渥子

送劉公馭吏部還潁州

懷抱何由好逢君欲細傾行藏輸萬事文酒負平生數

聽驪歌亂猶聞玉漏清
藤陰他夜月蕭颯別時情

城南即目

莫作近前嗔行游野水濱
委心隨萬物留眼送殘春
眠柳如人嬾孤鴻似客貧
晚花一含笑多恐對傷神

飲酒花下與翊聖

東風冉冉逐流塵憶昔相逢似隔晨
幾樹庭花迎蚤夏一年心事送殘春
青衣度曲傳新調白首同歡感故人
記取坡公催秉燭光陰臨老速奔輪

買馬

買馬黃金事已非青驄門外繫斜暉玉關別後嘶風遠
苑路騎來汗血微顧影自驚髀肉老喜心翻覺羽書稀
渥洼空有騰驤步蹋徧秋城草未肥

寄素心六歲與可

蚤涼睡美輕鐘後忽憶對牀風雨清十年仕宦差一笑
少日文酒空深情故園池臺渺岑寂客路荊棘長從橫
我行歸休君努力那將嬾漫趨時名

懷荀少公幹

少睡多愁夜秋寤夢不成西樓風雨恨南浦別離情有
患吾身老相憐萬事輕年華又搖落息念學無生

冬夜行河上

潺潺石橋水遙接漏聲長澄月金鋪鏡清沙玉糝霜臘
殘催物候冬暖入年芳莫紀無冰日溝渠只向陽

張東山少司寇宅觀奕

人事紛紛似奕棋故山回首爛柯遲古松流水幽尋後

清簾疏簾對坐時
舊壘滄桑初歷亂
曙天星斗忽參差
祇應萬事推枰外
夜雨秋燈話後期

玉河橋夜行寄荅文

一道銀河下玉京
雙魚北上遠含情
九門夜鎖邊風落
愁聽南飛過雁聲

王樸菴編修見過同作

落葉蕭蕭冷碧波
衝寒羸馬肯相過
五升方朔饑時米
八詠休文病裏歌
城闕秋陰風雨盛
江湖天濶夢魂多

即論婚嫁今難畢歸去青山奈晚何

睡起遣興寄汪沁水

霜月車輪犯曉沙
軒窓歸卧夕陽斜
嬾書咄咄空中字
自愛蘧蘧夢裏家
濁酒三杯聊送暖
寒鐙連夜自成花
却因寄語青山尹
擁被黃紬蚤放衙

夜行

雞聲催我行起坐殘夢接蕭條
夜來風開門滿落葉
落葉何翻飛驚風吹馬首
夜行不見人明月照高柳

詠史四首

舍人兒

七十好奇計黃金生內疑鴻門不見聽笑殺外黃兒

歷下軍

野渡平原水孤軍歷下城田橫方縱酒酈生已就烹

李少卿

少卿軍數急貳師何逡巡腐刑下遷史終為李夫人

蘇子卿

雪中何所餐野鼠勞供億流連青史編一肯為不食

學書頗勤自嘲

筆冢成堆潑墨香練裙襟几抵簾緗臨池晚覺黃庭好
掩鏡先愁白髮長身世葛懷非浪迹古今臧穀共亡羊
梅花書閣殘陽下把翫流年亦自傷

晚出宣武門懷舊遊寄公馭玉虬

宣武門東記舊遊暮鴉啼徹夕陽秋楊花落盡風流散
別後何人上水樓

樓居望西山

秋杪思紅葉冬來眺碧巒夕陽過礪遠山色入窗寒嵐
氣通書幔香泉嫋釣竿烟光三十里春到約重看

夜雪懷人

夜雪逢君事渺然梅花庭北綠尊前如今見雪長相憶
旅館寒燈十六年

落葉

紅牆楊柳夾城頭落葉西風滿逕幽夜度玉橋秋色遠

清波明月送深愁

己酉除夕前一夜小集懷午亭舊遊二首

此夜如除夜他鄉是故鄉殘年驚隔日往事樂千場
山路梅花放村帘竹葉香平生嵇阮輩歲月老清狂

點檢京華事叢殘守歲詩葦桃催臘蚤梅柳入春遲
署尾多新字題襟減舊詞風流銷歇甚應遣故人知

午亭文編卷九